

摛藻堂四庫全書薈要

史部

欽定四庫全書

水經注卷四十

史部

後魏 鄭道元 撰

浙江水 斤江水

江以南至日南郡二十水

禹貢山水澤地所在

浙江水出三天子都

山海經謂之浙江也地理志云水出丹陽縣縣南蠻

中北逕其縣南有博山山上有石特起十丈上峯若劍杪時有靈鼓潛發正長臨縣以山鼓為候一鳴官長一年若長雷發聲則官長不吉案近刻訛作及浙江又北

歷黟山縣居山之陽故縣氏之漢成帝鴻嘉二年以

為廣德國封中山憲王孫雲客王于此

案近刻脫中山憲王四字

晉太康中以為廣德縣分隸宣城郡會稽陳業潔身清行遁跡此山浙江又北逕歙縣東與一小溪合水出縣東北翁山西逕故城南又西南入浙江又東逕

遂安縣南溪廣二百步上立杭以相通水甚清深潭
不掩鱗故名新定案定近刻訛作安分歙縣立之晉太康中

又改從今名浙江又左合絕溪溪水出始新縣西東
逕縣故城南為東西長溪溪有四十七瀨濬流驚急

奔波暭天孫權使賀齊討黟歙山賊賊固黟之林厯
山山甚峻絕又工禁五兵齊以鐵杙椓山升出不意
又以白棓擊之案又近刻訛作人氣禁不行遂用奇功平賊
于是立始新之府于歙之華鄉案府近刻訛作尉令齊守之

後移出新亭晉太康元年改曰新安郡溪水東注浙

江浙江又東北逕建德縣南縣北有烏山山下有廟

廟在縣東七里廟渚有大石高十丈圍五尺

案近刻作五尺

圍水瀨濬激而能致雲雨浙江又東逕壽昌縣南自

建德至此八十里中有十二瀨瀨皆峻險行旅所難

縣南有孝子夏先墓先少喪二親負土成墓數年不

勝哀卒

案近刻脫哀字

浙江又北逕新城縣桐溪水注之

案近

刻脫水出吳興郡於潛縣北天目山山極高峻崖嶺

水字

竦疊西臨峻澗

案近刻
脫峻字

山上有霜木皆是數百年樹

謂之翔鳳林東面有瀑布下注數晦深沼名曰浣龍

池

案浣近刻
訛作蛟

池水南流逕縣西為縣之西溪溪水又

東南與紫溪合水出縣西百丈山即潛山也山水東

南流名為紫溪中道夾水有紫色磐石

案夾近刻
訛作挟

石

長百餘丈望之如朝霞又名此水為赤瀨蓋以倒影

在水故也紫溪又東南流逕白石山之陰

案近刻
脫石字

山

甚峻極北臨紫溪又東南連山夾水兩峯交峙反項

對石往往相捍十餘里中積石磊砢相挾而上澗下白沙細石狀若霜雪水木相映泉石爭暉名曰樓林紫溪東南流逕桐廬縣東為桐溪孫權籍溪之名以為縣目割富春之地立桐廬縣自縣至於潛凡十有六瀨第二是嚴陵瀨瀨帶山山下有一石室案近刻脫一字漢光武帝時嚴子陵之所居也故山及瀨皆即人姓名之山下有盤石周迴十數丈交枕潭際蓋陵所遊也桐溪又東北案桐下近刻竹廬字逕新城縣入浙江縣故富

春地

案近刻訛作也

孫權置後省并桐廬

案近刻脫置字後字咸和九

年

案近刻訛作元字

復立為縣浙江又東北入富陽縣故富

春也晉后名春改曰富陽也東分為湖浦浙江又東

北逕富春縣南縣故王莽之誅歲也江南有山孫武

皇之先所葬也漢末墓上有光如雲氣屬天苗武五

年

案近刻訛作四年

孫權以富春為東安郡分置諸郡

案近刻訛

作縣

以討士宗

案此有脫誤朱謀璋引吳志云黃武五年秋分三郡惡地十縣置東安郡治富

春

以全琮為太守平討山越又全琮傳云是時丹陽吳會山民復為寇賊攻沒屬縣權分三郡險地為東

安郡琮領太守招誘降附浙江又東北逕亭山西山上有孫權父

冢

北過餘杭東入于海

浙江逕縣左合餘干大溪江北即臨安縣界水北對
郭文宅宅傍山面溪宅東有郭文墓晉建武元年驃
騎王導迎文置之西園文逃此而終臨安令改葬之
建武十六年縣民郎稚作亂案稚近刻訛
作雅脫作字賀齊討之

孫權分餘杭立臨水縣晉改曰臨安縣因岡為城南

門尤高謝安蒞郡遊縣逕此門以為難為亭長浙江
又東逕餘杭故縣南新縣北秦始皇南遊會稽途出
是地因立為縣王莽之淮睦也案淮近刻漢末陳渾訛作進

移築南城縣後溪南大塘即渾立以防水也縣南有
三碑是顧飈范甯等碑縣南有大辟山郭文自陸渾
遷居也浙江又東逕烏傷縣北王莽改曰烏孝郡國
志謂之烏傷異苑曰東陽顏烏以淳孝著聞後有羣

鳥助銜土塊為墳案近刻訛作後有羣烏
銜鼓集顏烏所居之鄉烏口皆傷

一境以為顏烏至孝故致慈烏欲令孝聲遠聞又名

其縣曰烏傷矣浙江又東北流至錢塘縣穀水入焉

水源西出太末縣縣是越之西鄙案近刻訛作部姑蔑之地

也秦以為縣王莽之末理也吳寶聘中分會稽立隸

東陽郡案近刻脫隸字穀水東逕獨松故冢下冢為水毀其

磚文筮言吉龜言凶百年墮水中今則同龜繇矣穀

水又東逕長山縣南與永康溪水合案近刻脫溪字縣即東

陽郡治也縣漢獻帝分烏傷立郡吳寶聘中分會稽

置城居山之陽

案居近刻
訛作君

或謂之長仙縣也言赤松

采藥此山因而居之故以為名後傳呼乖謬字亦因

改溪水南出永康縣縣赤烏中分烏傷上浦立劉敬

叔異苑曰孫權時永康縣有人入山遇一大龜即東

之以歸龜便言曰游不量時為君所得擔者怪之載

出欲上吳王夜宿越里纜船于大桑樹宵中樹忽呼

龜曰元緒奚事爾也龜曰行不擇日今方見烹雖盡

南山之樵不能潰我樹曰諸葛元遜識性淵長必致

相困令求如我之徒計將安治

案近刻作泊

龜曰子明無

多辭既至建業權將煮之燒柴萬車龜猶如故諸葛

恪曰燃以老桑乃熟獻人仍說龜言權使伐桑取煮

之即爛故野人呼龜曰元緒其水飛湍北注至縣南

門入穀水穀水又東定陽溪水注之水上承信安縣

之蘇姥布縣本新安縣晉武帝太康三年改曰信安

水懸百餘丈瀨勢飛注狀如瀑布瀨邊有石如牀

案近刻作有

如石牀牀上有石牒長三尺許有似雜采帖也東

陽記云信安縣有懸室坂晉中朝時有民王質伐木至石室中見童子四人彈琴而歌質因留倚柯聽之童子以一物如棗核與質質含之便不復饑俄頃童子曰其歸承聲而去斧柯漼然爛盡既歸質去家已數十年親情凋落無復向時比矣其水分納衆流混波東逝逕定陽縣夾岸綠溪悉生支柱及芳枳木連雜以霜菊金橙白沙細石狀如凝雪石溜湍波浮響無輒山水之趣尤深人情縣漢獻帝分信安立溪亦

取名馬溪水又東

案近刻訛作連

逕長山縣北北對高山山

下水際是赤松羽化之處也炎帝少女追之亦俱仙

矣後人立廟于山下溪水又東入于穀水穀水又東

逕烏傷縣之雲黃山山下臨溪水水際石壁傑立高

百許丈又與吳寧溪水合水出吳寧縣下逕烏傷縣

入穀謂之烏傷溪水閩中有徐登者女子化為丈夫

與東陽趙晒竝善越方時遭兵亂相遇于溪各示所

能登先禁溪水為不流晒次禁枯柳柳為生荑二人

相示而笑登年長晒師事之後登身故晒東入章安
百姓未知晒乃升茅屋梧鷺而爨主人驚怪晒笑而
不應屋亦不損又嘗臨水求渡船人不許晒乃張蓋
坐中長嘯呼風亂流而濟于是百姓神服從者如歸
章安令惡而殺之民立祠于永寧而蚊蚋不能入晒
秉道懷術而不能全身避害事同萇弘宋元之龜瓦
運之來故難救矣穀水又東入錢唐縣而左入浙江

案唐近刻作塘下同
漢志錢唐無土旁

故地理志曰穀水自太末東北

至錢唐入浙江是也浙江又東逕靈隱山山在四山之中有高崖洞穴左右有石室三所又有孤石壁立大三十圍其上開散狀如蓮花昔有道士長往不歸或因以稽留為山號山下有錢唐故縣浙江逕其南王莽更名之曰泉亭地理志曰會稽西部都尉治錢唐記曰防海大塘在縣東一里許郡議曹華信家議立此塘以防海水始開募有能致一斛土者即與錢一千旬月之間來者雲集塘未成而不復取于是載

土石者皆棄而去塘以之成故改名錢塘焉縣南江側有明聖湖父老傳言湖有金牛古見之神化不測湖取名焉縣有武林山武林水所出也閻駒云山出錢水東入海吳地記言縣惟浙江今無此水縣東有定包諸山皆西臨浙江水流于兩山之間江川急濬兼濤水晝夜再來來應時刻常以月晦及望尤大至二月八月最高峨峨二丈有餘吳越春秋以為子胥文種之神也昔子胥亮于吳案亮近訛作死刻而浮尸于江

吳人憐之立祠于江上名曰胥山吳錄云胥山在太
湖邊去江不百里故曰江上文種誠于越案誠近刻訛作城

而伏劍于山陰越人哀之葬于重山文種既葬一年
子胥從海上負種俱去游夫江海故潮水之前揚波
者伍子胥後重水者大夫種是以枚乘曰濤無記焉
然海水上潮江水逆流似神而非于是處焉秦始皇
三十七年將遊會稽至錢唐臨浙江所不能渡故道
餘杭之西津也浙江北合詔息湖湖本名阼湖因秦

始皇帝巡狩所憩故有詔息之名也浙江又東合臨平湖異苑曰晉武時吳郡臨平岸崩出一石鼓打之無聲以問張華華云可取蜀中桐材刻作魚形扣之則鳴矣于是如言聲聞數十里劉道民詩曰事有遠而合蜀桐鳴吳石傳言此湖草歲壅塞天下亂是湖開天下平孫皓天璽元年吳郡上言臨平湖自漢末穢塞今更開通又于湖邊得石函函中有小石青白色長四寸廣二寸餘刻作皇帝字于是改天璽為天

璽元年孫盛以為元皇中興之符徵五湖之石瑞也
錢唐記曰桓玄之難湖水色赤熒熒如丹湖水上通
浦陽江下注浙江名曰東江行旅所從以出浙江也
浙江又逕固陵城北昔范蠡築城于浙江之濱言可
以固守謂之固陵今之西陵也浙江又東逕祖塘案祖
近刻訛作謂之祖瀆昔太守王朗拒孫策數戰不利
祖下同
孫靜果說策曰朗負阻城守難可卒拔案近刻脫城字祖瀆
去此數十里是要道也若從此出攻其無備破之必

矣策從之破朗于固陵有西陵湖亦謂之西城湖湖
西有湖城山東有夏架山湖水上承妖皋溪而下注
浙江案浙江又逕固陵城北至此原本及近刻並訛
在後渡會稽湊山陰是也之下又逕永興縣北
之上今據歸有光本改正又逕會稽山陰縣有苦竹里里有舊城
言勾踐封范蠡子之邑也浙江又東與蘭溪合湖南
有天柱山湖口有亭號曰蘭亭亦曰蘭上里太守王
羲之謝安兄弟數往造焉吳郡太守謝勑封蘭亭侯
蓋取此亭以為封號也太守王廩之移亭在水中晉

司空何無忌之臨郡也起亭于山椒極高盡眺矣亭
宇雖壞基陸尚存浙江又逕越王允常冢北冢在木
客村耆彥云句踐使工人伐榮植欲以獻吳久不得
歸工人憂思作木客吟後人因以名地句踐都琅邪
欲移允常冢冢中生分風飛沙射人人不得近句踐
謂不欲遂止浙江又東北得長湖口湖廣五里東西
百三十里沿湖開水門六十九所下溉田萬頃北瀉
長江湖南有覆斗山周五百里北連鼓吹山西枕

長溪溪水下注長湖山之西嶺有賀臺越入吳還而成之故號曰賀臺矣案近刻訛作吳又有秦望山在州城正南為衆峯之傑陟境便見史記云秦始皇登之以望南海自平地以取山頂七里懸磴孤危徑路險絕記云扳蘿捫葛然後能升山上無甚高木案近刻脫甚字當由地迥多風所致山南有嵯峨峴裏有大城越王無餘之舊都也故吳越春秋云勾踐語范蠡曰先君無餘國在南山之陽社稷宗廟在湖之南又有會稽之山

古防山也亦謂之為茅山又曰棟山越絕云棟猶鎮也蓋周禮所謂揚州之鎮矣山形四方上多金玉下多玦石山海經曰夕水出焉南流注于湖吳越春秋稱覆釜山之中有金簡王字之書黃帝之遺識也山下有禹廟廟有聖姑像禮樂緯云禹治水畢案近刻訛作昊天賜神女聖姑即其像也山上有禹冢昔大禹即位十年東巡狩崩于會稽因而葬之有鳥來為之耘春拔草根秋啄其穢是以縣官禁民不得妄害此鳥犯

則刑無赦山東有涇井

案近刻訛作山東有硎

去廟七里深不

見底謂之禹井云東遊者多探其穴也秦始皇登會

稽山刻石紀功尚存山側孫暢之述書云

案述下近刻彷征字

丞相李斯所篆也又有石匱山石形似匱上有金簡
玉字之書言夏禹發之得百川之理也又有射的山

遠望山的狀若射侯故謂射的

案謂近刻訛作為

射的之西

有石室名之為射堂年登否常占射的以為貴賤之
準的明則米賤的闇則米貴故諺云射的白斛米百

射的玄斛米半北則石帆山山東北有孤石高二十
餘丈廣八丈望之如帆因以為名北臨大湖水深不
測傳與海通何次道作郡常于此水中得烏賊魚南
對精廬上陰修木下瞰寒泉西連會稽山案近刻
脫會字皆一山也東帶若邪溪吳越春秋所謂歐冶涸而出銅
案近刻涸訛作
銅又脫下三字以成五劍溪水上承峩峩麻溪溪之
下孤潭周數晦甚清深有孤石臨潭乘崖俯視案乘
近刻訛作援犹驚心寒木被潭森沈駭觀上有一櫟樹謝

靈運與從弟惠連常游之作連句題刻樹側麻潭下
注若耶溪水至清照衆山倒影窺之如畫漢世劉寵
作郡有政績將解任去治此溪父老人持百錢出送
案近刻脫此溪二字寵各受一文然山栖遯逸之士谷隱不羈
之民有道則見物以感遠為貴荷錢致意故受者以
一錢為榮豈藉費也義重故耳溪水下注大湖邪溪
之東又有寒溪溪之北有鄭公泉泉方數丈冬溫夏
涼漢太尉鄭弘宿居潭側因以名泉弘少以苦節自

居恒躬采伐用貿糧膳每出入溪津常感神風送之
雖憑舟自運無杖檝之勞村人貪藉風勢常依隨往
還有淹留者徒輩相謂汝不欲及鄭風邪其感致如
此湖水自東亦注江通海水側有白鹿山山北湖塘
上舊有亭吳黃門郎楊袁明居于弘訓里太守張景
數往造焉使開瀆作埭埭之西作亭亭埭皆以楊為
名孫恩作賊從海來楊亭被燒後復脩立厥名猶在
東有銅牛山山有銅穴三十許丈穴中有大樹神廟

山上有冶官山北湖下有練塘里吳越春秋云句踐
練冶銅錫之處采炭于南山故其間有炭瀆句踐臣
吳吳王封句踐於越百里之地案近刻脫
一吳字東至炭瀆
是也縣南九里有侯山山孤立長湖中晉車騎將軍
孔敬康少時遜世栖跡此山湖北有三小山謂之鹿
野山在縣南六里按吳越春秋越之麋苑也山有石
室言越王所游息處矣縣南湖北案近刻脫
南字有陳音山
楚之善射者曰陳音越王問以射道又善其說乃使

簡士習射北郊之外按吳越春秋音死葬于國西山
上今陳音山乃在國南五里湖北有射堂及諸邸舍
連衍相屬又于湖中築塘直指南山北即大越之國
秦改為山陰縣會稽郡治也太史公曰禹會諸侯計
于此命曰會稽會稽者會計也案近刻脫始以山名
會稽二字始以山名
因為地號夏后少康封少子杼以奉禹祠為越世歷
殷周至于允常列于春秋允常卒句踐稱王都于會
稽吳越春秋所謂越王都坪中在諸暨北界山陰康

樂里有地名邑中者是越事吳處故北其門以東為
右西為左故雙闕在北門外闕北百步有雷門門樓
兩層句踐所造時有越之舊木矣州郡館宇屋之大
瓦亦多是越時故物句踐霸世徙都琅邪後為楚伐
始還浙東城東郭外有靈汜下水甚深舊傳下有地
道通于震澤又有句踐所立宗廟在城東明里中甘
滂南又有玉笥竹林雲門天柱精舍竝疏山創基架
林裁宇割澗延流案近刻脫割字盡泉石之好水流逕通浙

江又北逕山陰縣西西門外百餘步有怪山本瑯邪
郡之東武縣山也飛來徙此壓殺數百家吳越春秋
稱怪山者東武海中山也一名自來山百姓怪之號
曰怪山亦云越王無疆為楚所伐去瑯邪止東武人
隨居山下案止近刻訛作山遠望此山其形似龜故亦有龜
山之稱也越起靈臺于山上又作三層樓以望雲物
川土明秀亦為勝地故王逸少云從山陰道上猶如
鏡中行也浙江之上又有大吳王小吳王邸竝是闔

閭夫差伐越所舍處也今悉民居然猶存故目昔越

王為吳所敗以五千餘衆栖于稽山卑身待士施必

及下呂氏春秋曰越王之栖于會稽也有酒投江民

飲其流而戰氣自倍所投即浙江也許慎晉灼並言

江水至山陰為浙江江之西岸有朱室塢向踐百里

之封西至朱室謂此也

案謂近刻訛作為浙江又東北逕重

山西大夫文種之所葬也山上有白樓亭亭本在山

下案近刻訛為字縣令殷朗移置今處沛國桓儼避地會稽

聞陳業履行高潔往候不見儼後浮海南入交州臨去遺書與業不因行李繫白樓亭柱而去升陟遠望山湖滿目也永建中陽羨周嘉上言以縣遠赴會至難求得分置遂以浙江西為吳以東為會稽漢高帝十二年一吳也後分為三世號三吳吳興吳郡會稽其一焉浙江又東逕禦兒鄉萬善歷曰吳黃武六年正月獲彭綺是歲由拳西鄉有產兒墮地便能語云天方明案近刻脫方字河欲清鼎腳折案近刻脫鼎字金乃生因是

詔為語兒鄉

案因是近刻訛作是因

非也禦兒之名遠矣蓋無

智之徒因藉地名

案近刻訛作民

生情穿鑿耳國語曰句踐

之地北至禦兒是也安得引黃武證地哉韋昭曰越

止鄙在嘉興浙江又東逕柴辟南舊吳楚之戰地矣

備候于此故謂之辟塞是以越絕稱吳故從由拳辟

塞渡會稽

案近刻訛作夷

湊山陰是也又逕永興縣北

案近刻訛作故餘暨縣也

作南縣在會稽東北百二十里故餘暨縣也

案近刻訛作故餘暨縣也

四應劭曰閩間弟夫槩之所邑

案近刻訛作故字所訛作故又此句

下衍
也字

王莽之餘衍也漢末童謠云天子當興東南三

餘之間故孫權改曰永興案永近刻訛作元縣濱浙江又東

合浦陽江江水道源烏傷縣案江水下近刻衍之字又此句之下衍又字

東逕諸暨縣與洩溪合溪廣數丈中道有兩高山夾

溪造雲壁立凡有五洩

案五近刻訛作三

下洩懸三十餘丈

案近刻脫下字廣十丈中三洩不可得至

案三近刻訛作二

登山遠

望乃得見之

案此下近刻衍下洩二字

懸百餘丈水勢高急聲震

水外上洩懸二百餘丈望若雲垂此是瀑布土人號

為洩也江水又東逕諸暨縣南縣臨對江流江南有

射堂縣北帶烏山故越地也

案此下近刻有夫槩王之故邑六字係重出衍

文先名上諸暨亦曰句無矣

案無近刻訛作吳下同

故國語曰

句踐之地南至句無王莽之疎虜也夾水多浦浦中

有大湖春夏多水秋冬涸淺江水又東南逕剡縣與

白石山水會山上有瀑布懸水三十丈下注浦陽江

浦陽江水又東流南屈又東迴北轉逕剡縣東王莽

之盡忠也縣開東門向江江廣二百餘步自昔舊

傳縣不得開南門開南門則有賊盜江水翼縣轉注故有東渡西渡焉東南二渡通臨海並汎單船為浮航西渡通東陽併二十五船為橋航江邊有查浦浦東行二百餘里與句章接界浦裏有六里有五百家竝夾浦居列門向水甚有良田有青溪餘洪溪大發溪小發溪江上有溪六溪列溉散入江夾溪上下崩崖若傾東有簗山南有黃山與白石三山為縣之秀峯山下衆流泉導案泉近刻記作前湍石激波浮險四注浦

陽江又東逕石橋廣八丈高四丈下有石井口徑七
尺橋上有方石長七尺廣一丈二尺橋頭有磐石可
容二十人坐溪水兩旁悉高山山有石壁二十許丈
溪中相攻顛響外發未至橋數里便聞其聲江水北
逕嶼山山下有亭亭帶山臨江松嶺森蔚沙渚平靜
浦陽江又東北逕始寧縣嶼山之成功嶠案功近刻作工嶠
壁立臨江欹路峻狹不得併行行者牽木稍進不敢
俯視嶠西有山孤峯特上飛禽罕至嘗有採藥者沿

山見通溪尋上于山頂樹下有十二方石地甚光潔
還復更尋遂迷前路言諸仙之所憩讌故以壇讌名
山崎北有嶧浦浦口有廟廟甚靈驗行人及樵伐者
皆先敬焉若相侵竊必為蛇虎所傷北則嶧山與竦
山接二山雖曰異縣而峯嶺相連其間傾澗懷煙泉
溪引霧吹畦風馨觸岫延賞是以王元琳謂之神明
境事備謝康樂山居記浦陽江自嶧山東北逕太康
湖車騎將軍謝玄居所在右濱長江左傍連山平

陵修通澄湖遠鏡于江曲起樓樓側悉是桐梓森聳
可愛居民號為桐亭樓樓兩面臨江盡升眺之趣蘆
人漁子汎濫滿焉湖中築路東出趨山案趨近刻作趣路甚
平直山中有三精舍高甍凌虛垂簷帶空俯眺平林
煙杳在下水陸寧晏足為避地之鄉矣江有琵琶圻
圻有古冢墮水號有隱起字云筮吉龜凶八百年落
江中謝靈運取甓詣京咸傳觀焉乃如龜繇故知家
已八百年矣浦陽江又東北逕始寧縣西本上虞之

南鄉也漢順帝永建四年陽羨周嘉上書始分之舊治水西常有波潮之患

案潮近刻訛作湖

晉中興之初治今

處縣下有小江源出洮山謂之洮浦逕縣下西流注

于浦陽菑山下注此浦浦西通山陰浦而達于江江

廣百丈狹處二百步高山帶江重蔭被水江閻漁商

川交樵隱故桂棹蘭棹望景爭途江南有故城太尉

劉牢之討孫恩所築也江水東逕上虞縣南王莽之

會稽也本司鹽都尉治地名虞賓晉太康地記曰舜

避丹朱于此故以名縣百官從之故縣北有百官橋亦云禹與諸侯會事訖因相虞樂故曰上虞二說不同未詳孰是縣南有蘭風山山少木多石驛路帶山傍江路邊皆作欄干山有三嶺枕帶長江若苦孤危望之若傾緣山之路下臨大川皆作飛閣欄干乘之而渡謂此三嶺為三石頭丹陽葛洪遁世居之基井存焉琅邪王方平性好山水又爰宅蘭風垂釣于此以永終朝行者過之不識問曰賣魚師得魚賣否方

平答曰釣亦不得得復不賣亦謂是水為上虞江縣
之東郭外有漁浦湖中有大獨小獨二山又有覆舟
山覆舟山下有漁浦王廟廟今移入裏山此三山孤
立水中湖外有青山黃山澤蘭山重岫疊嶺參差入
雲澤蘭山頭有深潭山影臨水水色青綠山中有諸
塢有石楗一所右臨白馬潭潭之深無底傳云創湖
之始邊塘屢崩百姓以白馬祭之因以名水湖之南
即江津也江南有上塘陽中二里案二近刻記作三陽在湖

南常有水患太守孔靈符遇蜂山前湖以為埭埭下
開瀆直指南津又作水捷二所以舍此江得無淹潰
之害縣東有龍頭山山崖之間有石井冬夏常冽清
泉南帶長江東連上陂江之道南有曹娥碑娥父盱
迎濤溺死娥時年十四哀父尸不得乃號踴江介因
解衣投水祝曰若值父尸衣當沈若不值衣當浮裁
落便沈娥遂于沈處赴水而死縣令度尚使外甥邯
鄲子禮為碑文以彰孝烈江濱有馬目山洪濤一上

波隱是山勢淪竦亭間歷數縣行者難之縣東北上
亦有孝子楊威母墓威少失父事母至孝常與母入
山採薪為虎所逼自計不能禦于是抱母且號且行
虎見其情遂弭耳而去自非誠貫精微孰能理感于
英獸矣又有吳瀆破山導源注于胥江上虞江東逕
周市而注永興地理志云縣有仇亭柯水東入海仇
亭在縣之東北十里江北柯水疑即江也又東北逕
永興縣東案近刻脫縣字與浙江合謂之浦陽江地理志又

云縣有蕭山潘水所出東入海又疑是浦陽江之別
名也自外無水以應之浙江又東注于海故山海經
曰浙江在閩西北入海案近刻浙江下衍在其東三字韋昭以松江
浙江浦陽江為三江

斤江水出交趾龍編縣東北至鬱林領方縣東注于鬱
地理志云逕臨塵縣至領方縣注于鬱案漢書作
斤員水

容容

夜

綬

湛

乘

牛渚

須無

無濡

營進

皇無

地零

侵離

案近刻作
侵黎下同

侵離水出廣州晉興郡郡以太康中分鬱林置東至

臨塵

案東近刻
訛作得

入鬱

無會

重瀨

夫省

無變

由蒲

王都

融

勇外

此皆出日南郡西東入于海

案近刻重一西字又此十一字原本及近刻竝

訛作經今考經文總上二十

容容水在南垂名之以

次轉北也

右二十水從江已南至日南郡也

案二十近刻訛作三十又此十三字原本

及近刻竝訛入注內考經文後云右禹貢山
水澤地所在凡六十體例與此同今改正

嵩高為中嶽在潁川陽城縣西北

春秋說題辭曰陰含陽故石凝為山國語曰禹封九
山山土之聚也爾雅曰山大而高曰崧合而言之為

崧高分而名之為二室西南有少室東北有太室

案二

有字近刻竝作為嵩高山記曰山下巖中有一石室云有自

然經書自然飲食又云山有王女臺言漢武帝見因

以名臺

泰山為東嶽在泰山博縣西北

岱宗也王者封禪于其山示增高也有金策玉檢之事焉

霍山為南嶽在廬江灊縣西南

天柱山也爾雅云大山宮小山為霍案為近刻作曰開山圖

曰其山上侵神氣下固窮泉

華山為西嶽在弘農華陰縣西南

古文之惇物山也

雷首山在河東蒲坂縣東南

砥柱山在河東大陽縣東河中

王屋山在河東垣縣東北也

案垣下原本及近
刻竝衍曲字今刪

昔黃帝受丹訣于山也

太行山在河內野王縣西北

王烈得石髓處也

恒山為北嶽在中山上曲陽縣西北

碣石山在遼西臨渝縣南水中也

大禹鑿其石夾右而納河

案夾石近刻訛作右夾

秦始皇漢武

帝皆嘗登之海水西侵歲月逾甚而苞其山故言水

中矣

折城山在河東濩澤縣西南

太嶽山在河東永安縣

壺口山在河東北屈縣東南

龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

汧山

案近刻訛作關山

在扶風汧縣之西也

隴山終南山惇物山在扶風武功縣西南也

西頃山

案近刻脫西字頃音傾

在隴西臨洮縣西南

禹貢中條山也

嶓冢山在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又有止而同穴之山焉是二山也鳥名為鵠似鶲而黃黑色鼠如家鼠而短尾穿地而共處鼠內而鳥外孔安國曰共為雌雄杜彥達曰同穴止宿養子互相哺食長大乃止張晏言不相為牝牡故因以名山

積石在隴西河闊縣西南

山海經云山在鄧林東河所入也

案山海經郭璞注引此為水經之文

其注乃後人所
託不足據證

都野澤在武威縣東北

縣在姑臧城北三百里東北即休屠澤也古文以為
豬野也其水上承姑臧武始澤澤水二源東北流為
一水逕姑臧縣故城西案近刻脫逕字東北流水側有靈淵

池王隱晉書曰漢末博士燉煌侯瑾善內學語弟子
曰涼州城西泉水當竭有雙闕起其上案近刻至魏
脫起字嘉平中武威太守條茂起學舍築闕于此泉太守填

水造起門樓與學闈相望泉源徙發重導于斯故有靈淵之名也澤水又東北流逕馬城東城即休屠縣之故城也本匈奴休屠王都謂之馬城河又東北與橫水合水出姑臧城下武威郡涼州治地理風俗記曰漢武帝元朔三年改雍曰涼州以其金行土地寒涼故也遷于冀晉徙治此王隱晉書曰涼州有龍形故曰卧龍城南北七里東西三里本匈奴所築也及張氏之世居也案及近刻訛作乃又增築四城箱各千步東

城殖園果命曰講武場北城殖園果命曰玄武圃皆有宮殿中城內作四時宮隨節游幸并築城為五街衢相通二十二門大繕宮殿觀閣采綺妝飾擬中夏也其水側城北流注馬城河河水又東北清澗水入焉俗亦謂之為五澗水也水出姑臧城東而西北流注馬城河河水又與長泉水合水出姑臧東滑次縣王莽之播德也西北歷黃沙阜而東北流注馬城河又東北逕宣威縣故城南又東北逕平澤晏然二亭

東又東北逕武威縣故城東漢武帝太初四年匈奴
渾邪王殺休屠王以其衆置武威縣武威郡治案近
治刻脫
字王莽更名張掖地理志曰谷水出姑臧南山北至
武威入海屆此水流兩分一水北入休屠澤俗謂之
為西海一水又東逕百五十里入豬野世謂之東海
通謂之都野矣

合離山在酒泉會水縣東北

合黎山也

流沙地在張掖居延縣東北

居延澤在其縣故城東北案近刻脫北字尚書所謂流沙者

也形如月生五日也弱水入流沙流沙與水流行

也

案沙與水近
刻脫沙字

亦言出鍾山西行極崦嵫之山在西

海郡北山有石赤白色以兩石相打則水潤打之不

已潤盡則火出山石皆然炎起數丈逕日不滅有大

黑風自流沙出奄之乃滅其石如初言動火之事發

疾經年故不敢輕近耳流沙又逕浮渚歷窪市之國

又逕于烏山之東朝雲國西歷崑山西南出于渴瀛
之山大荒西經云西南海之外流沙出焉逕夏后開
之東案近刻脫此二字開上三嬪于天得九辩與九歌焉又
厯員丘不死山之西案近刻脫山二字入于南海

三危山在燉煌縣南

山海經曰三危之山三青鳥居之是山也廣圓百里
在烏鼠山西即尚書所謂竄三苗于三危也春秋傳
曰允姓之姦居于瓜州瓜州地名也杜林曰燉煌古

瓜州也州之貢物地出好瓜民因氏之瓜州之戎并于月氏者也漢武帝元鼎六年案此四字近刻訛作後元二字分酒泉置南七里有鳴沙山故亦曰沙州也

朱圉山在天水北冀城

案城近刻訛作縣

即冀縣山有石鼓開山圖謂之天鼓山九州害起則鳴有常應又云石鼓山有石鼓于星為河鼓星動則石鼓鳴石鼓鳴則秦土有殃鳴淺殃萬物鳴深則殃君王矣

岷山在蜀郡湔氐道西

漢書以為瀆山者也

熊耳山

案近刻訛作嶓冢山

在弘農盧氏縣東

案近刻訛作南

是山也穀水出其北林也

荆山在南郡臨沮縣東北

東條山也卞和得玉璞于是山楚王不理懷璧哭于

其下王後使玉人理之

案近刻脫王字使字

所謂和氏之玉焉

內方山在江夏竟陵縣東北

禹貢注章山也

大別山在廬江安豐縣西南

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山于是得金簡玉字之書按省

玉字得通水理也

九江地在長沙下舊縣西北

雲夢澤在南郡華容縣之東

東陵地在廬江金蘭縣西北

敷淺原地在豫章歷陵縣西

彭蠡澤在豫章彭澤縣西北

案近刻
脫西字

尚書所謂彭蠡既豬陽鳥攸居也

中江在丹陽蕪湖縣西南

案近刻
脫西字

東至會稽陽羨縣入

于海

震澤在吳縣南五十里

北江在毗陵北界東入于海

嶧陽山在下邳縣之西

羽山在東海祝其縣南也

縣即王莽之猶亭也尚書殛鯀于羽山謂是山也山西有羽淵禹父之所化其神為黃熊以入淵矣故山海經曰洪水滔天鯀竊帝之息壤以堙水不待帝命帝令祝融殺鯀郊者也

陶丘在濟陰定陶縣之西南

陶丘丘再成也

菏澤在定陶縣東

雷澤在濟陰成陽縣西北

菏水在山陽湖陸縣南

蒙山在太山蒙陰縣西南

大野澤在山陽鉅野縣東北

大邳地在河南成皋縣北

爾雅曰山一成謂之邳然則大邳山名非地之名也

明都澤在梁郡睢陽縣東北

益州沱水在蜀郡汶江縣西南其一在郫縣西南皆還

入江

荊州沱水在南郡枝江縣

三澨地在南郡卽縣北沱

案原本及近刻並訛作三澨
地之南在卽縣之北考卽縣

地理志南郡之屬縣孟康曰音忌又注稱經
云卽縣北沱可據以訂經之訛外今改正

尚書曰導漢水過三澨地說曰沔水東行過三澨合

流觸大別山阪

案近刻訛作陂

故馬融鄭玄王肅孔安國等

咸以為三澨水名也許慎言澨者埤增水邊土人所

止也按春秋左傳文公十有六年楚軍次于句澨以

伐諸庸宣公四年楚令尹子越師于漳澨定公四年

左司馬戍敗吳師于雍澨昭公二十三年司馬薳越

縊于薳澨服虔或謂之邑又謂之地京相璠杜預亦

云水際及邊地名也今南陽清陽二縣之間清水之

濱有南澨北澨矣而諸儒之論水陸相半又無山源

出處之所津途關路惟鄭玄及劉澄之言在竟陵縣
界經云邵縣北沱然沱流多矣論者疑焉而不能辨
其所在

右禹貢山水澤地所在凡六十



水經注卷四十



總校官庶吉士臣張能照
校對官庶吉士臣翟槐
謄錄貢生臣王嘉稷

財團法人佛陀教育基金會

釋淨空 敬贈



上
封
全
書
讀
會
南
華